



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

C. De suppressione Confraternitatis SS. Rosarii Civit. Anconitanæ, &
applicatione bonorum ejusdem aliis locis Piis.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

A Paulo V. statutum fuit ut Abbas Generalis præd. ad sexennium eligeretur.

Preces Monachorum pro confirmatione.

Confirmatio Literarum præd. Pauli V.

Clausula.

Fides habenda transumptis.

eiusdem Ordinis exposito, quod ipsi alias in Congregationem redacti eorum Abbatem Generalem ad triennium dumtaxat eligendum, & deinde ad aliud triennium confirmandum coeperant. Et in eadem expositione subjuncto, quod confirmatio huiusmodi ex diversis causis quas experientia docuerat, satis damnosa Congregationi huiusmodi reddebatur, electioque triennalis nimis brevis esset maxime quia plura eiusdem Congregationis Monasteria in remotis Provinciis constituta tam brevi tempore per ipsum Abbatem Generalem visitari, & ut decebat reformari non poterant, propterea Superiores, & Monachi prædicti ab incommodis huiusmodi obviandis per dictum Paulum Prædecessorem super præmissis opportune providere desiderabant, idem Paulus Prædecessor supplicationibus illorum nomine sibi super hoc humiliter porrectis inclinatus, de tunc pariter existentium S. R. E. Cardinalium negotiis, & Consultationibus Episcoporum, & Regularium præpositorum consilio, quod de cætero perpetuis futuris temporibus Abbas Generalis huiusmodi ad sexennium eligi deberet confirmatione ejus omnino prohibita, itaut Abbas Generalis prædictus completo sexennio, seu alias alia ex causa dimisso officio, per aliud sexennium ab officio Abbatis Generalis cessare teneretur, neque eligi posset Apostolica auctoritate statuit, & ordinavit, & alias prout in ipsius Pauli Prædecessoris literis desuper in simili forma Brevis die 15. Maji 1620. expeditis uberius dicitur contineri.

§. 2. Cum autem sicut eadem expositio subjungebat prædicti Exponentes suprascriptas Pauli Prædecessoris literas Apostolicæ confirmationis nostræ patrocinio communiti summopere desiderent, Nos specialem ipsis Exponentibus gratiam facere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a Jure, vel ab homine, quavis occasione, vel causa latis, si quibus quomodolibet innodatas existunt ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine nobis super hoc humiliter porrectis inclinati, prædictas Pauli Prædecessoris literas die 15. Maji 1620. emanatas, ut præfertur, auctoritate Apostolica, tenore præsentium approbamus, & confirmamus, illisque inviolabilis Apostolicæ firmitatis robor adjicimus.

§. 3. Decernentes ipsas præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac ab illis, ad quos spectat, & pro tempore spectabit inviolabiliter observari; Sicut in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiri debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus Constitutionibus, & Ordinationibus Apostolicis, necnon omnibus, & singulis illis, quæ in prædictis Pauli Prædecessoris literis concessa sunt non obtare, ceterisque contrariis quibuscumque.

§. 5. Volumus autem, ut præsentium literarum transumptis, seu exemplis, etiam impressis, manu alicujus Notarii publici subscriptis, & sigillo Personæ in Ecclesiastica Dignitate constitutæ munitis eadem prorsus fides ubique locorum habeatur, quæ ipsis præsentibus haberetur, si forent exhibitæ, vel ostensæ.

Datum Romæ apud S. Petrum sub Annulo Piscatoris die XII. Junii MDCCXXVI. Pontificatus nostri Anno Tertio.

Supprimitur Confraternitas SS. Rosarii, Cappara vulgo dicta, Civitatis Anconitanæ, & Prædicatorum Conventui S. Mariæ Incononata; necnon Puerorum Seminario Ecclesiastico dictæ Civitatis, ejus bona applicantur.

Alia hujus Const. ed. 1725. Sept. 5. P. 2. erectum fuit Hospitium Matritien. de la Passion in Conventum Fratrum Prædicatorum.

BENEDICTUS PAPA XIII.

Ad perpetuam rei memoriam.

Quanta Ecclesia Dei commoda, & bona proveniant a pia exercitatione, qua Adolescentes a teneris usque annis ad pietatem, & Religionem informandi in Ecclesiasticis puerorum Seminariis detinentur, provide confidentes, quod Seminariis eisdem honesti, & pro eorum indigentis opportune redditus abunde suppetant ex animo concupiscimus; unde si ipsa aliquando decentibus carere subsidiis prænoscerimus etiam per quarumdam Laicorum Confraternitatum suppressionem solcite subvenire existimamus, aliaque desuper illorum favore concedimus, quæ concupiscimus in Domino salubriter expedire.

§. 1. Cum sicut accepimus utriusque sexus Christifidelium Confraternitas, Cappara nuncupata sub invocatione Sanctissimi Rosarii in Ecclesia Sanctæ Mariæ Incononata nuncupata, Conventus Ordinis Fratrum S. Dominici Prædicatorum nuncupatorum Civitatis Anconitanæ erecta, & instituta reperitur, nos ex rationabilibus, & justis causis nobis notis animum nostrum moventibus motu proprio, & ex certa scientia, deque Apostolica potestatis plenitudine dictam Confraternitatem una cum illius denominatione, invocatione, nuncupatione, titulo, essentia, ac qualitate, Apostolica auctoritate perpetuo suppressimus, & extinguimus, eandemque Confraternitatem perpetuo suppressam, & extinctam esse, & fore decernimus.

§. 2. Nos proinde infrascripti Seminarii, ac Fratrum Conventus infrascriptæ Ecclesiæ indemnitatibus, atque commoditatibus aliqua in parte respective consulere volentes, ac Fratres eosdem a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodati existunt ad effectum præsentium dumtaxat consequendum harum serie absolventes, & absolutos fore censentes, necnon alias Conventibus, & Fratribus, ac Seminario huiusmodi applicationes, incorporaciones, concessiones, & assignaciones quomodolibet hæcenus forsitan factas, si quæ sint præsentibus pro expressis habentes, motu, scientia, & potestatis plenitudine similibus eiusdem Confraternitatis sic per nos, ut præfertur suppressæ, & extinctæ Capellam, seu Altare, ac Oratorium, cum Magazenis, Fabrica, seu Mansionibus subterraneis sub eodem Oratorio existentibus, quod est de directo dominio d. Conventus, & per pactum expressum in concessione illius fundi dicto Conventui reservatum remanet, necnon omnia mobilia, & suppellectilia cujuscumque speciei, quantitatis, & valoris, ac omnia ornamenta, Candelabra, & Vasa Sacra aurea, & argentea cujuscumque generis, & pretiosi valoris existant, & ad dictam Confraternitatem per nos, ut præfertur suppressam, & extinctam quomodolibet spectantia, ac bona omnia Assis hæreditarij per quondam tunc in

humanis

Dat. 16. Jun. 1726. An. 3.

Exordium a cura Seminarii.

Suppressio præd. & Confraternitatis.

Ejusque bonorum applicatio præd. Conventui.

humanis agentem Josephum Bonifigli, dum vixit Pharmacopolam Anconitan., ac credita omnia, actiones, & Jura quæcumque ad dictum Aſſem hæreditarium quomodocumque pertinentia, exacta, & exigenda, necnon ſcripturas, juſtificationes, libros, & notitias omnes, tam publicas, quam privatas, & in ſtatu in quo de præſenti reperiuntur, ac pecunias omnes ad quæcumque ſummam aſcendentes, & eidem Confraternitati per nos, ut præfertur ſuppreſſæ, & extinctæ juxta ejuſdem Joſephi, ſub quo ab humanis deceſſit, diſpoſitionem Teſtamentariam ad effectum, ut tot Capellanæ ab eadem Confraternitate per nos, ut præfertur ſuppreſſa, & extincta erigerentur relicta, eidem Conventui, & Fratribus cum hoc tamen quod nunc, & pro tempore exiſtentes ejuſdem Ordinis Fratrum tantum, & non alii Presbyteri quo ad diſpoſitionem Teſtamentariam præfati Joſephi, loco Capellanarum hujusmodi, tot Miſſas in Eccleſia S. Dominici præfate Civitatis Anconitan. in perpetuum celebrare teneantur, pro quarum celebratione, & manutentione ſecundo dicti Conventus Fratres præfati tot funda, & Bona ſtabilia, vel Loca Montium Cameralium, & non Vacabillum ex præfato Aſſe Hæreditario deſumenda, & ex eorum annuis redditibus ſummam ſexaginta ſcutorum monetæ Romanæ pro qualibet Miſſa perpetua, annuatim reſpondentia, emere, & assignare ſimiliter teneantur, cum hoc pariter quod omnia Anniverſaria, & Miſſæ perpetuæ a Teſtatoribus, aliisque diſponentibus uſque in præſentem diem eidem Confraternitati per nos, ut præfertur ſuppreſſæ, & extinctæ demandare, a pro tempore exiſtentibus Fratribus ſecundodicti Conventus tantum, & non ab aliis Presbyteris in præfata eorum Eccleſia S. Dominici in perpetuum celebrari, & adimpleri debeant, ſolutis tamen ſecundodicti Conventus Fratribus nunc, & pro tempore exiſtentibus per inſcriptum Seminarium ſingulis Menſibus elemoſynis Miſſarum ſecundodictarum ad rationem unius julii monetæ præfate pro qualibet Miſſa hujusmodi, & ſtipendiis pro adimplimento Anniverſariorum hujusmodi ad rationem, & juxta quantitatem perſolvi conſuetam ab eadem Confraternitate per nos, ut præfertur ſuppreſſa, & extincta, perpetuo tenore præſentium etiam applicamus, & incorporamus.

Necnon Seminario prædicto, cum opportunis ordinationibus.

§. 3. Reliqua vero bona omnia, Res, Proprietates, Cenſus, Canones, Domos, Vineas, Prædia, Poſſeſſiones, Reſponſiones, Fructus, Loca Montium, & Jura quæcumque, undecumque, & quomodocumque provenientia, etiam cujuſcumque ſpeciei, quantitatis, qualitatis, & valoris exiſtant, & uſque dum adminiſtrata, percepta, & poſſeſſa per dictam Confraternitatem per nos, ut præfertur ſuppreſſam, & extinctam, & eidem Confraternitati per nos, ut præfertur ſuppreſſæ, & extinctæ competentia, ſpectantia, & pertinentia Seminario Puerorum Eccleſiaſtico dictæ Civitatis Anconitanæ cum obligatione tamen, quod præfatum Seminarium non ſolum elemoſynas, & ſtipendia pro adimplimento, & manutentione Anniverſariorum, & Miſſarum perpetuarum hujusmodi, ſed etiam pro dote, & manutentione Capellæ, ſeu Altaris ejuſdem Sanctiſſimi Roſarii in dicta Eccleſia S. Dominici ſitæ, ſeu ſiti, ac pro functionibus infra annum peragendis, & celebrandis ab eidem ſecundo dicti Conventus Fratribus ad honorem, & gloriam Beatæ Mariæ Virginis, tunc, & pro tempore exiſtentibus ejuſdem ſecundodicti Conventus Fratribus præfatis ſcuta centum præfate monetæ Romanæ in perpetuum ſingulis annis exbuſſare, & ſolvere, ac prout antea dicta Confraternitas per nos, ut præfertur ſuppreſſa, & extincta tenebatur,

Conſervatorium Pupillarum dictæ Civitatis Anconitan. manuteneſſe, dotes ſolvere, ac ſingulis annis legato ſcutorum quatuorcentum monetæ Romanæ hujusmodi Monialibus Monafterii Sancti Sebastiani præfate Civitatis Anconitan. Sancti Benedicti, ſeu alterius Ordinis debito ſatisfacere, ac perſonis in carceribus detentis exbuſſare ſolitam elemoſynam, necnon reliqua legata omnia, & onera univerſa quæcumque ſi quæ ſint, etiam ſpecielem mentionem requirunt, & eidem Confraternitati per nos, ut præfertur ſuppreſſæ, & extinctæ quomodocumque incumbentia, juxta, & ſecundum Piorum Teſtatorum, Fundatorum, aliorumque diſponentium voluntates, & diſpoſitiones adimplere, ac omnibus legatis ſimiliter, quæ præfata Confraternitas per nos, ut præfertur, ſuppreſſa, & extincta ſatisfaciebat, ſatisfacere, ea que adimplere omnino teneatur, etiam perpetuo earundem tenore præſentium reſpective applicamus, & cum ceteris Seminarii præfati reſpective bonis incorporamus, ac reſpective concedimus, & assignamus.

§. 4. Decernentes præmiſſa omnia, & ſingula, necnon eaſdem præſentes etiam ex eo, quod præfate Confraternitatis per nos, ut præfertur, ſuppreſſæ, & extinctæ, Officiales, & Confratres, & ceteri quicumque in præmiſſis intereſſe habentes, ſeu habere quomodolibet prætendentes illis non conſenſerint, nec ad ea vocati, aut auditi, & cauſæ propter quas eadem præſentes emanarunt adductæ, verificate, aut juſtificate ullatenus fuerint, ullo nunquam tempore ſubreptionis, vel obreptionis, ſeu nullitatis, aut invaliditatis vitio, ſeu intentionis noſtræ, aut alio quovis defectu etiam quantumvis magno, inexcogitato, & ſubſtantiali, ſive etiam ex eo quod in eiſdem præmiſſis ſolemnitates, & quævis alia ſervanda, & adimplenda, ſervata, & adimpleta non fuerint, vel ex quocumque alio capite, a jure, vel factio, aut Statuto, vel conſuetudine aliqua reſultante, etiam in corpore juris claſſo, ſive etiam enormis, enormiſſimæ, & totalis læſionis, & quovis alio prætextu, occaſione, vel cauſa etiam quantumvis juſta, rationabili, & privilegiata, etiam tali, quæ ad effectum validitatis præmiſſorum neceſſario exprimenda foret, notari, impugnari, invalidari, retractari, in Jus, vel controverſiam revocari, aut ad terminos juris reduci, vel adverſus illas reſtitutionis in integrum, apertionis oris, aut aliud quodcumque Juris, facti, vel gratiæ remedium impetrari, ſeu quomodolibet conceſſo, aut impetrato quempiam in judicio, vel extra illud uti, ſeu ſe juvare poſſe, ſed ipſas præſentes ſemper firmas, & validas, & efficaciſſimas exiſtere, & fore, ſuoſque plenarios, & integros effectus ſortiri, & obtinere, ac illis ad quos ſpectat, & quomodolibet ſpectabit in futurum pleniffime ſuffragari, & ab eis reſpective inviolabiliter obſervari. Sicque, & non alias in præmiſſis per quoscumque Judices Ordinarios, vel Delegatos, quavis auctoritate fungentes, etiam Cauſarum Palatii Apoſtolici Auditores, ac S. R. E. Cardinales, etiam de latere Legatos, Vice-Legatos, & Apoſtolice Sedis Nuncios, alioſve quolibet quæcumque præeminentia, & poteſtate fungentes, & functiones, ſublata eis, & eorum cuilibet aliter judicandi, & interpretandi facultate, & auctoritate, judicari, & deſiniri debere; irritum quoque, & inane ſi ſecus ſuper his a quoquam quavis auctoritate ſcianter, vel ignoranter contigerit attentari.

Clauſula peculiaris.

§. 5. Et inſuper quatenus opus ſit pro præmiſſorum obſervatione Venerabilibus Fratribus Anconitan., Aſin., & Auximan. Episcopis per præſentem motu, ſcientia, & poteſtatis plenitudine paribus committimus, & mandamus, quatenus ipſi, vel duo, aut unus eorum per ſe, vel

Deputatio Executor.

Derogatio
specifica.

alium, seu alios eandem presentes, & in eis contenta quæcumque, ubi, & quando opus fuerit, & quoties pro parte Fratrum secundodicti Conventus, ac Seminarii præfati requisiti fuerint solemniter publicantes, & in præmissis efficacis defensionis præsidio assistentes faciant auctoritate nostra illas, & in eis contenta hujusmodi ab omnibus, & singulis ad quos spectat, & pro tempore spectabit inviolabiliter servari, illisque pacifice frui, & gaudere, non permittentem quempiam ex secundodicti Conventus Fratribus, & Seminarium hujusmodi desuper quomodolibet indebite molestari, contradictores quoslibet, & Rebelles per sententias, censuras, & penas Ecclesiasticas, aliaque opportuna Juris, & facti remedia (servata tamen forma Concilii Tridentini) appellatione postposita compescendo, invocato etiam ad hoc si opus fuerit auxilio brachii Secularis.

§. 6. Non obstantibus piæ memor. Bonifacii PP. VIII. Prædecessoris Nostri, in qua cavetur expresse, ne quis extra suam Civitatem, & Diocesim nisi in certis tunc expressis casibus, & in illis ultra ullam Dietam a fine suæ Diocesis ad iudicium evocare, seu ne Judices a Sede Apostolica præfata Deputati extra Civitatem, vel Diocesim in quibus deputati fuerint contra quoscumque procedere, aut alii, vel aliis suas vices committere audeant, vel præsumant, & Concilio Generali edita de duabus dietis, dummodo tamen ultra tres dietas, aliquis vigore earundem præsentium ad iudicium non trahatur, necnon dictæ Confraternitatis per nos, ut præfertur, suppressæ, & extinctæ erectione, ac præfati Josephi, aliorumque quorumcumque ad favorem dictæ Confraternitatis per nos, ut præfertur, suppressæ, & extinctæ Testatorum, seu Disponentium voluntatibus, necnon Missarum, & Anniversariorum, aliorumque Legatorum Piorum, & onerum foundationibus, & quibusvis aliis dispositionibus, ac præmissis omnibus, & quatenus opus sit, de jure quæsito non tollendo, ac de exprimendo vero valore in suppressionibus, unionibus, seu applicationibus, illisque committendis ad partes vocatis quorum interest, & aliis nostris, & Cancellariæ Apostolicæ Regulis, necnon Lateranensis Concilii novissime celebrati, uniones perpetuas, nisi in casibus a jure permissis, fieri prohibentis, aliisque Apostolicis, etiam in universalibus, Provincialibusque, & Synodalibus Conciliis editis, vel edendis specialibus, vel generalibus Constitutionibus, & ordinationibus, necnon Confraternitatis per nos, ut præfertur suppressæ, & extinctæ, & Conventus hujusmodi, & Ordinis præfati, etiam Juramento, Confirmatione Apostolica, vel quavis firmitate alia roboratis statutis, & consuetudinibus; privilegiis quoque, Indultis, & literis Apostolicis eidem Confraternitati per nos, ut præfertur suppressæ, & extinctæ, Conventibus, & Ordini, ac Fratribus præfatis, & quibusvis aliis personis sub quibuscumque verborum tenoribus, & formis, ac cum quibusvis derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis in genere, vel in specie, ac alias in contrarium præmissorum quomodolibet concessis, confirmatis, & innovatis. Quibus omnibus, & singulis, etiam si de illis, eorumque totis tenoribus specialis, specifica, expressa, & individua, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, eorum tenores, ac si de verbo ad verbum, nihil penitus omisso, & forma in illis tradita observata, inserti forent, eisdem præsentibus pro expressis habentes, illis alias in suo robore permanentibus, latissime, & plenissime, ac

specialiter, & expresse, hac vice dumtaxat motu, scientia, & potestatis plenitudine paribus ad præmissorum effectum harum serie derogamus, & derogatum esse volumus, cæterisque contrariis quibuscumque.

§. 7. Nulli ergo omnino hominum liceat hanc paginam nostræ absolutionis, suppressionis, extinctionis, decreti, applicationis, incorporationis, concessionis, assignationis, posterioris Decreti, derogationis, voluntatis, & declarationis infringere, vel ei temerario ausu contraire. Si quis autem hoc attentare præsumpserit indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud S. Petrum anno Incarnationis Dominicæ millesimo septingentesimo vigesimo sexto, sexto decimo Kalen. Julii, Pontificatus Nostri Anno Tertio.

Declarantur ratæ censuræ latæ ab Episcopo Papiense in Canonicos.

Clem. XI. Const. ed. 1711. Decembr. 24. P. 12. Confirmatum fuit gen. interdictum Episcopi in Civitate Lycien., & Diocesi.

BENEDICTUS PAPA XIII.

Venerabilis Frater salutem, & Apostolicam Benedictionem.

PERMolesta Nobis acciderunt, quæ contra debitam Episcopali auctoritati obedientiam & a Cathedralis tuæ Ecclesiæ Dignitatibus, ac Canonicis perpetrata sunt, nec committere debemus, ut ad tuendam Dignitatem tuam, & Ecclesiasticam disciplinam, ulla Muneris nostri partes desideres, præsertim cum salutaribus Juris remediis a Fraternitate tua adhibitis, obsecundaverint etiam, suppetiasque tulerint mandata nostra.

§. 1. Quod igitur Dignitates, & Canonicos, illos primum a Beneficio ad mensem, deinde a Divinis suspenderit, eo quod matutinum officium, te contradicente, ac ventante recitare ausi fuerint, post vespertinas horas antecedentis diei, obtentu interpositæ Appellationis, & Rescripti Venerabilium Fratrum nostrorum Sanctæ Romanæ Ecclesiæ Cardinalium Sacri Concilii Tridentini interpretum, laudamus consilium zelumque Fraternitatis tuæ; Causam autem ejusmodi a quocumque Tribunali, ac iudicio ad Nos advocantes, motu proprio, ex certa scientia, & matura deliberatione, censuras antedictas, validas esse decernimus, ac declaramus.

§. 2. Mandantes proinde ut non aliter absolutionis Beneficium petere possint, quam si respicientiam, debitamque tibi reverentiam idonea satisfactione, quam iudicii, arbitriique tui esse volumus, ipsi probaverint; Hanc autem ubi rite, legitimeque præstiterint, in tua potestate erit eosdem, quibus se obstrinxerant, censuris absolvere, quin etiam in irregularitate cum iis dispensare qui censuris obnoxii rem Divinam facere ausi sunt. Quod si intra tempus a te definiendum absolutionem, veniamque poscere, tibi que ut par est satisfacere detreaverint, facultatem tibi largimur, ut tanquam delegatus quoque Apostolicus ad ultiores penas procedere possis, eoque etiam dignitate, Canonicatu, & Præbenda private, eandemque facultatem alteri, si absens fueris exercendam subdelegare valeas.

§. 3. Non satis autem Officio nostro fecisse Nobis videtur, nisi præterita emendare satagentes, futuris etiam dissidiis aditum intercludamus. Propterea cum ex antedicta matutini Officii recitatione ansam repugnandi arripuerint Canonici, per præsentem etiam literas declaramus

Sanctio po-
nalis.

CI.

Dat. 8. Julii
1726. An. 3.

Exordium.

Ratæ habentur
censuræ
latæ à præfato
Episcopo in
Canonicos.

Remittitur
Episc. tan-
quam Dele-
gato Apo-
stolico, ab-
solutio ab ill-
dem cen-
suris: & facul-
tas ad ulter-
iores penas
procedendi.

Consultatur
in futurum.